



ALIJA
IZETBEGOVIĆ
M U Z E J

NEWSLETTER

JU MUZEJ "Alija Izetbegović" Sarajevo
Broj 7/2021 | Decembar 2021.

2

AKTIVNOSTI

Promocija Zbornika radova polaznika prvog ciklusa Ljetne škole diplomatije

...

4

INTERVJU

Habib Idrizović, ratni komandant Prvog pofaličkog odreda, poznati i kao "dvojniki" predsjednika Alije Izetbegovića

...

8

SPECIJAL

Pregled najvažnijih aktivnosti tokom 2021. godine

...




FOTO: Arhiva Muzeja "Alija Izetbegović"



FOTO: Muzej "Alija Izetbegović"

Promocija Zbornika radova polaznika prvog ciklusa Ljetne škole diplomatije

JU Muzej "Alija Izetbegović" je organizovao promociju Zbornika radova prvog ciklusa "Ljetne škole diplomatije" u utorak, 14.12.2021. godine, povodom 26. godišnjice od potpisivanja Dejtonskog mirovnog sporazuma, u prostorijama Homework HUB-a sa početkom u 14 sati.

Zbornik radova obuhvata šest najviše ocijenjenih radova polaznika "Ljetne škole diplomatije" koja je uspješno realizirana od 12.08. do 19.08.2021. godine a radovi tretiraju teme iz raznih društvenih oblasti kao što su ekonomija, sociologija, geopolitika, historija te na koncu i diplomatski međudnosi.

Tri najbolja rada su odabrana od strane stručne komisije koju su sačinjavali predavači "Ljetne škole diplomatije", a kojima su dodijeljene vrijedne novčane nagrade.

pitanja i propituju veoma osjetljive teme u današnjem svijetu.

Pored predavača i polaznika, promociji je prisustvovao i gosp. Mehdi Eskandari, savjetnik za politička pitanja i otpravnik poslova Iranske ambasade kao predstavnik diplomatskog kora. On je nakon zvaničnog programa porazgovarao sa polaznicima i dao im korisne savjete upravo iz oblasti diplomatije.

Ponosni partner projekta je BH Telecom.



FOTO: Muzej "Alija Izetbegović"

Glavni urednici Zbornika radova su Dr. Emir Hadžikadunić i dipl. ing. građ. Faris Nanić koji su se obratili svim prisutnim izražavajući važnost ovog projekta jer je mladim ljudima data prilika da obrađuju važna međunarodna



FOTO: Muzej "Alija Izetbegović"



FOTO: Muzej "Alija Izetbegović"



FOTO: Fondacija "Alija Izetbegović"

U Vijećnici održana promocija knjige „Robije Alije Izetbegovića“

Promocija knjige "Robije Alije Izetbegovića" autora Fikreta Muslimovića i Mustafe Spahića, u izdanju Fondacije "Alija Izetbegović", održana je 25. novembra 2021. godine u sarajevskoj Vijećnici.



FOTO: Fondacija "Alija Izetbegović"

Promocija je održana na Dan državnosti Bosne i Hercegovine, ali i dan kada je Alija Izetbegović obaviješten da se oslobađa daljeg izdržavanja zatvorske kazne nakon montiranog Sarajevskog procesa iz 1983. godine.

Promotori knjige bili su: dr. sci. Latinka Perović, Stjepan Mesić, Edhem Bičakčić i Faris Nanić.



FOTO: Fondacija "Alija Izetbegović"



FOTO: Arhiva Muzeja "Alija Izetbegović"

Intervju sa gosp. Habibom Idrizovićem, ratnim komandantom Prvog pofaličkog odreda, poznatim i kao "dvojnikom" predsjednika Alije Izetbegovića

Gospodin Habib Idrizović bio je jedan od organizatora otpora u sarajevskom naselju Pofalići. Tokom krucijalne Pofalićke bitke, bio je u funkciji komandata Prvog pofaličkog odreda, a tokom kasnijeg perioda rata bio je imenovan na dužnost komandanta ratne oficirske škole u Zenici. Prije rata, usljed realne opasnosti po život predsjednika Alije Izetbegovića, pristao je da bude u ulozi njegovog "dvojnika", obzirom na izuzetnu fizičku sličnost.

1. U kojim životnim okolnostima Vas je zatekla agresija na Bosnu i Hercegovinu?

Uoči rata radio sam u Zavodu za izgradnju grada, kao inženjer. Ja sam u Pofalićima od 1958. godine, kao dijete sam odrastao sa osmoricom braće i jednom sestrom. Agresija na Bosnu i Hercegovinu zatekla me je raspadom bivše nam države Jugoslavije i početak formiranja višestranačkog sistema. Formiraju se iz srpskog naroda SDS, iz hrvatskog naroda HDZ i iz bošnjačkog naroda SDA.

Velika većina srpskog stanovništva bila je ohrabrena da su oni ti koji trebaju da naprave „Veliku Srbiju“. Samim time su dobili oružje i bili pozivani u rezervu na obuku. Na Pofalićima je bilo šest generala. Oni su također imali svoje kuće, braću i rođake, a bili su na ključnim mjestima pa su javno naoružavali Srbe u naselju Pofalići.

U domu policije na Bjelavama Stranka demokratske akcije dala je proglas o nacionalnoj odbrani BiH sa 360 prisutnih, 10. 6. 1991. godine u 17 sati, kada je Patriotska liga Bosne i Hercegovine dobila naziv. Počela je da se organizuje u odbrani Bosne i Hercegovine od agresije koja je već počela. Rukovodstvo stranke općine Novo Sarajevo formira Krizni štab i zadužuje lica koja će organizovati stanovništvo u odbrani od agresije.

Ja sam dobio zadatak da radim na organizovanju u naselju Pofalići, u kojem sam već ranije uspio organizovati dobar broj članova, tako da mi je bilo lahko nastaviti organizaciju odbrane. Redovno smo obavještavali Krizni štab o broju članova u Pofalićima gdje smo uspjeli okupiti oko 1200 članova, Velesići su okupili oko 700, Hrasno 300 i Grbavica 400.

Patriotska liga Novo Sarajevo od četiri bataljona Patriotska liga formira pet odreda, gdje sam ja bio postavljen za komandanta Prvog pofaličkog odreda u jedinici Patriotska liga, gdje smo imali 10% Srba, 15% Hrvata i 80% Bošnjaka.

2. Kako ste gledali na historijski značaj formiranja Stranke demokratske akcije i političko organizovanje Bošnjaka u vremenu koje je nagovještavalo rat?

SDA sa rahmetli Alijom Izetbegovićem imala je jasan cilj, kakvu to Bosnu i Hercegovinu želimo i hoćemo. Taj cilj je bio u temelju stranke. Na čelu prvog predsjednika i vrhovnog ko-

madanta Alije Izetbegovića u proglasu je jasno navedeno da želimo cjelovitu Bosnu i Hercegovinu. SDA je jasno objavila proglas o djelovanju i ciljevima građana BiH.

Ova naša ljudska i demokratska opredjeljenja iz dana u dan suočavaju se sa politikom nacionalnog hegemonizma i velikodržavlja i sa izazovima koji prijete opstanku Bosne i Hercegovine kao republike, a time i izravno opstanku muslimanskog naroda, danas osnivamo Savjet za nacionalnu odbranu. Savjet se osniva uz Stranku demokratske akcije i djelovat će od danas pa nadalje, sve dok za to postoje potrebe.

Uvjereni u trajnu vrijednost demokracije i demokratskih institucija, izražavamo spremnost da vodimo dijalog o svim pitanjima zajedničkog života u demokratskoj i građanskoj Republici Bosni i Hercegovini.

3. Kako biste opisali Vaše prijateljstvo sa rahmetli predsjednikom Alijom Izetbegovićem?

Prvi predsjednik i vrhovni komandant rahmetli Alija Izetbegović, čovjek pošten, ponosan i prkosan, mudar i hrabar u tom teškom vremenu. Allah nam ga je dao da Bosna i Hercegovina ostane neporočljena. Od Kulina bana do današnjih dana Bosna i Hercegovina je bila poročljena i okupirana.

Na čelo sa Alijom Izetbegovićem i Armijom Republike Bosne i Hercegovine nije poročljena, prvi put priznata od UN-a, gdje se vihori naša bosanska zastava.

4. Svjesni smo da je Armija Bosne i Hercegovine sačuvala obraz u posljednjem ratu, bez obzira na razna iskušenja. Koliko je liderstvo naše zemlje predvođeno Alijom Izetbegovićem utjecalo na tu činjenicu?

Rahmetli Alija izetbegović je vodio računa o Bosni i Hercegovini i svim narodima koji u njoj žive i prihvataju je svojom domovinom. Borio se za ravnopravnost svih građana. U zatvoru je bio osuđivan više puta jer se borio da Bošnjaci budu ravnopravni sa ostalim narodima u bivšoj Jugoslaviji.

Predsjedništvo za vrijeme rata sastojalo se od Srba, Hrvata i Bošnjaka, što znači da je i Armija BiH bila multietnička kao i gener-

alštab. Armija BiH nije dobijala nikakvu naredbu niti odobrenje za zločine, baš suprotno, bila je odraz jedinstva i ravnopravnosti. Također, mogu reći da je rahmetli Alija Izetbegović posebno skretao pažnju u svojim obraćanjima, borcima i starješinama da strogo vode računa o zarobljenicima, ranjenima i civilnom stanovništvu, te da se strogo povinuju Ženevskoj konvenciji.

5. Bili ste jedan od komandanata Prvog pofaličkog odreda i učesnik Pofaličke bitke. Kako vidite značaj te bitke i nivo samoorganizovanosti patriota?

Bio sam komandant Pofaličke bitke, Prvog pofaličkog odreda kako stoji i u analizi Prvog korpusa. U analizi značajnih bitaka prva po značaju bila je bitka za zgradu Predsjedništva, 02. maja 1992. godine.

Po analizi generalštaba Armije Republike Bosne i Hercegovine, druga po značaju bila je Pofalička bitka. Da su uspjeli da se spoje sa Kasarnom „Maršal Tito“ i Grbavicom, Sarajevo bi ostalo sa nekompletne dvije općine gdje bi za nekoliko dana i to palo. Padom Sarajeva bi se dovela u pitanje cijela Bosna i Hercegovina. Glavnu ulogu imale su patriote i pomoć koja je u grupama stizala iz grada, Sarajevo je spašeno pa i Bosna i Hercegovina.

6. Koliko mislite da je Bosna i Hercegovina dobila na međunarodnom planu, jer je bila predstavljena u ličnosti predsjednika?

Naš prvi predsjednik Bosne i Hercegovine imao je veliki utjecaj na strane države, koje su se kolebale da nam pomognu, i još su dali embargo na naoružanje.

Armija Republike Bosne i Hercegovine pokazala je i dokazala svijetu da se može boriti za svoju domovinu i sa nametnutim embargom otimali smo oružje od neprijatelja. Međunarodna zajednica se uvjerila, zahvaljujući mudroj politici predsjednika, da je Armija Republike Bosne i Hercegovine stasala da vodi i žešći rat. Pravi rat za oslobađanje Bosne i Hercegovine počeo je oslobađanjem Krajine i kad smo stigli na petnaest kilometara do Banja Luke, kada je trebala Banja Luka da padne, bilo nam je naređeno da stanemo jer ukoliko produžimo bit ćemo bombardovani od

strane NATO-a. Mnogi državnici su Aliju priznali. Da nije bilo Alije, ni Bosne ne bi bilo. To je prava istina.

7. S obzirom na to da ste bili dijelom komandnog kadra, koliko često ste tokom rata bili u prilici da se susrećete sa Alijom Izetbegovićem?

Prije rata sam često odlazio na skupove i slušao njegove govore i to: u Sarajevu, Zvorniku, Foči, Novom Pazaru, Sjenici, Bihaću i mnogim drugim mjestima. Za vrijeme dok sam bio komandant Pofaličke bitke i oslobađanja brda Žuč, čestitao mi je u zgradi Predsjedništva. Kada je bila donesena odluka Predsjedništva o formiranju ratnih oficirskih škola, postavljen sam za komandanta ROŠ-a u Zenici.

U Zenici sam se susreo sa predsjednikom tri puta i u Predsjedništvu kad sam nosio diplome o diplomiranju oficira, predsjednik je lično potpisivao te diplome svim klasama koje smo imali i to: škola za borbeno komandovanje, škola za političko djelovanje, škola logistike, škola za specijalna dejstva, i komandno štabni kurs, kao i škola za komandante divizija i načelnika štabova divizija i dva susreta uručjenja plakete i školskog ljiljana.

8. Možete li opisati neke anegdote i lijepa sjećanja u susretima sa predsjednikom Izetbegovićem?

Predsjednik je prilikom svakog susreta prvo pitao kakvo je stanje u jedinici a onda je pitao za zdravlje mene i moje porodice. Zračio je toplinom kao roditelj. Uvijek je bio optimista i vjerovao je da ćemo pobijediti neprijatelja – kako vojno tako i politički.

FOTO: Arhiva Muzeja "Alija Izetbegović"



FOTO: Arhiva Muzeja "Alija Izetbegović"

Preminuo Bob Dole, veliki prijatelj Bosne i Hercegovine

Veliki prijatelj Bosne i Hercegovine, senator Bob Dole, preminuo je 5.12.2021. u svojoj 98. godini. Imao je dugogodišnju karijeru na američkoj političkoj sceni. Zajedničkim naporima, sa trenutnim predsjednikom Sjedinjenih Američkih Država Joe Bidenom, stajao je čvrsto na strani podrške našoj zemlji, kroz inicijative za ukidanje embarga na oružje i sve većeg američkog angažmana.

Predsjednik Izetbegović je 1991. godine, u predvečerje agresije na našu zemlju, bio na čelu ekstenzivne diplomatske aktivnosti koja je lobirala za interese Bosne i Hercegovine. S tim u vezi, u svojoj knjizi "Sjećanja" na 100. str. piše: "Koncem jula posjetio sam Sjedinjene Američke Države. Tamo sam razgovarao sa četvericom američkih senatora, među kojima je nesumljivo najmarkantnija figura bio Bob Dole."

FOTO: Arhiva Muzeja "Alija Izetbegović"



ALIJA
IZETBEGOVIĆ
MUZEJ

SRETAN BOŽIĆ

Pripadnicima rimokatoličke vjeroispovijesti želimo sretne i uspješne Božićne praznike, sa željom da ih provedete u zdravlju i sreći sa svojim bližnjim.

JU Muzej "Alija Izetbegović"



ALIJA
IZETBEGOVIĆ
M U Z E J

PREGLLED NAJVAŽNIJIH AKTIVNOSTI TOKOM 2021. GODINE



FOTO: Muzej "Alija Izetbegović"

Potpisivanje memoranduma o saradnji sa konzulom za kulturu Ambasade Islamske Republike Iran

U prostorijama Fondacije "Alija Izetbegović" 3. februara 2021. godine, direktorica JU Muzej "Alija Izetbegović" Nađa Berberović-Dizdarević i generalni sekretar Fondacije Muhamed Mulahmetović potpisali su memorandum o saradnji sa konzulom za kulturu Ambasade Islamske Republike Iran, gospodinom Hossein Nourijem.



FOTO: Muzej "Alija Izetbegović"

Posjeta ministra kulture i sporta Kantona Sarajevo Muzeju "Alija Izetbegović"

Gosp. Samir Avdić, Ministar kulture i sporta Kantona Sarajevo, posjetio je JU Muzej "Alija Izetbegović". Ovom prilikom, direktorica Muzeja, Nađa Berberović-Dizdarević, upozнала je Ministra sa aktuelnim projektima i aktivnostima ove ustanove. Ministar je, sa svoje strane, dao punu podršku radu Muzeja u svim aktivnostima i projektima.

Izložba fotografija "Alija Izetbegović - između Istoka i Zapada" u Brčkom



FOTO: Muzej "Alija Izetbegović"

Povodom 1. marta, Dana nezavisnosti Bosne i Hercegovine, u Domu Islahijeta u Brčkom otvorena je izložba fotografija "Alija Izetbegović - između Istoka i Zapada". Organizator izložbe bio je JU Muzej "Alija Izetbegović" u suradnji sa BZK "Preporod" Brčko. Izložbu je otvorio gradonačelnik Brčko distrikta BiH, gospodin Esed Kadrić.



FOTO: Muzej "Alija Izetbegović"

U Mostaru održana izložba fotografija "1. mart – Dan nezavisnosti Bosne i Hercegovine"

Povodom Dana nezavisnosti Bosne i Hercegovine, JU Muzej "Alija Izetbegović" je u suradnji sa AM SDA organizovao izložbu fotografija "1. mart – Dan nezavisnosti Bosne i Hercegovine". Otvorenje izložbe je upriličeno u Centru za kulturu Mostar, uz poštivanje svih predviđenih epidemioloških mjera.



FOTO: Muzej "Alija Izetbegović"

U organizaciji Muzeja "Alija Izetbegović" održana manifestacija "Mladi ljljani"

U prostorijama Homework HUB-a je 2. marta 2021. godine održana tradicionalna manifestacija "Mladi ljljani" koju JU Muzej "Alija Izetbegović" organizuje povodom 1. marta, Dana nezavisnosti Bosne i Hercegovine. Ovom prilikom dodijeljene su nagrade za pobjednike Konkursa za najbolje literarne radove u konkurenciji osnovnih i srednjih škola. Konkurs je bio otvoren od 15. decembra 2020. do 15. januara 2021. godine, a na adresu Muzeja "Alija Izetbegović" je pristiglo preko dvije stotine učeničkih radova.

Posjeta uredu potpredsjednice Federacije BiH Melike Mahmutbegović



Direktorica Muzeja "Alija Izetbegović", Nađa Berberović-Dizdarević, posjetila je potpredsjednicu Federacije BiH Dr. Meliku Mahmutbegović. Ovom prilikom razgovarano je o aktuelnim aktivnostima i projektima Muzeja, te je dogovorena suradnja na prvom ciklusu Ljetne škole BH diplomatije u organizaciji Muzeja.

Otvorenje izložbe "Diplomatski put Alije Izetbegovića" 28. maja 2021. godine



FOTO: Muzej "Alija Izetbegović"

U prostorijama galerije BKZ "Preporod" 28. maja 2021. otvorena je izložba "Diplomatski put Alije Izetbegovića" u organizaciji JU Muzeja "Alija Izetbegović". Izložba je organizirana s ciljem obilježavanja 29. godišnjice primanja Republike Bosne i Hercegovine u punopravno članstvo Organizacije Ujedinjenih Nacija.

Izložbu je otvorio član Predsjedništva Bosne i Hercegovine iz reda bošnjačkog naroda, gosp. Šefik Džaferović, a prisutnima su se obratili i Predsjednik BZK "Preporod" prof. dr. Sanjin Kodrić i direktorica Muzeja Nađa Berberović-Dizdarević.

FOTO: Muzej "Alija Izetbegović"





FOTO: Muzej "Alija Izetbegović"

Posjeta ambasadi Kraljevine Saudijske Arabije

Direktorica JU Muzeja "Alija Izetbegović" je 11. juna 2021. godine posjetila njegovu ekselenciju ambasadora Kraljevine Saudijske Arabije Osamu bin Dakhil Al-Ahmadija. Diplomatski i prijateljski odnosi Bosne i Hercegovine i Kraljevine Saudijske Arabije su izuzetno jaki i čvrsti, i konstantno se radi na njihovom unaprjeđenju.

FOTO: Muzej "Alija Izetbegović"



Posjeta ambasadi Države Katar

Direktorica Muzeja "Alija Izetbegović" Nađa Berberović-Dizdarević posjetila je 24. juna 2021. Ambasadu države Katar, gdje se susrela sa otpravnicom poslova Ambasade Države Katar u Bosni i Hercegovini, Sarom Khaled Al-Meadadi. Diskutovano je o aktuelnim projektima i aktivnostima Muzeja, sa fokusom na prvi ciklus Ljetne škole diplomatije koja je održana u augustu ove godine.

Izložba fotografija „Diplomatski put Alije Izetbegovića“ u Novom Pazaru



FOTO: Muzej "Alija Izetbegović"

U organizaciji JU Muzej "Alija Izetbegović" i Bošnjačkog nacionalnog vijeća u ulozi domaćina, u okviru obilježavanja 11. jula Dana sjećanja, u Novom Pazaru 9. jula 2021. godine je priređena izložba slika „Diplomatski put Alije Izetbegovića“. Tokom ceremonije otvorenja čelnici Bošnjačkog nacionalnog vijeća su ukazivali na proaktivan odnos rahmetli predsjednika Alije Izetbegovića prema Bošnjacima u Sandžaku.

FOTO: Muzej "Alija Izetbegović"



FOTO: Muzej "Alija Izetbegović"

Posjeta ambasadi Republike Austrije

Direktorica JU Muzeja "Alija Izetbegović" Nađa Berberović-Dizdarević je 13. jula 2021. godine posjetila njenu ekselenciju ambasadoricu Republike Austrije u Bosni i Hercegovini Dr. Ulrike Hartmann. Prilikom posjete fokus razgovora su bile planirane aktivnosti JU Muzeja "Alija Izetbegović" vezane za organizaciju projekta "Ljetna škola BH diplomatije" te ostale kulturne aktivnosti.

FOTO: JU KSC Kakanj



Izložba fotografija „Diplomatski put Alije Izetbegovića“ u Kakanju

U Parku Doma kulture, 10. augusta 2021. godine, prezentovana je izložba "Diplomatski put Alije Izetbegovića". Izložba je bila upriličena povodom 31. godišnjice od osnivanja Općinskog odbora Stranke demokratske akcije (SDA) Kakanj. Izložbi je prisustvovao predsjednik SDA gosp. Bakir Izetbegović.

Otvorenje izložbe fotografija "Alija Izetbegović, prijatelji i saradnici"



FOTO: Muzej "Alija Izetbegović"

Izložba fotografija "Alija Izetbegović, prijatelji i saradnici", u organizaciji JU Muzej "Alija Izetbegović" je zvanično otvorena 5. augusta 2021. godine u prostorijama galerije Općine Novi Grad Sarajevo.



FOTO: AA

Izložbu kojom se simbolično obilježava datum rođenja prvog predsjednika nezavisne BiH Alije Izetbegovića je otvorila direktorica Muzeja Nađa Berberović – Dizdarević, a prisutnima se obratio i ministar kulture i sporta KS gosp. Samir Avdić.

FOTO: Muzej "Alija Izetbegović"





FOTO: Muzej "Alija Izetbegović"

Organizacija Ljetne škole diplomatije

Prvi ciklus Ljetne škole diplomatije u organizaciji JU Muzeja „Alija Izetbegović“ je okupio četrnaest polaznika - studenata I, II i III ciklusa studija društvenih, humanističkih i političkih nauka. Preko stotinu aplikacija je iskazalo svoj interes za participacijom.

Značaj projekta su prepoznali i podržali podržali BH Telecom kao ponosni partner, ured potpredsjednice Federacije Bosne i Hercegovine, ured člana Predsjedništva Bosne i Hercegovine te Ministarstvo vanjskih poslova Bosne i Hercegovine.

Prvi ciklus ljetne škole diplomatije je okupio eminentne profesore, diplomate i ambasadore. Predavači su ovom prilikom nesebično diskutovali i razmijenjivali iskustva i mišljenja sa polaznicima u cilju bližeg upoznavanja sa diplomatijom kao ključem uspjeha za učestvovanje u međunarodnim odnosima. Na ovaj način, polaznici su imali priliku da nauče više o tehnikama i metodama pregovaranja, komuniciranja, debatiranja i razmjereni kritičkog mišljenja.

Ljetna škola je organizovana u periodu između od 12. do 19. augusta 2021. godine i organizaciono je bila podijeljena na dva dijela. Prvi dio Ljetne škole diplomatije je bio održan u prostorijama Homework HUB-a u Sarajevu, dok je drugi dio bio rezervisan za studijske

posjete (rodna kuća Alije Izetbegovića u Bosanskom Šamcu, memorijalna galerija 11/07/95, Predsjedništvo BiH, Ministarstvo vanjskih poslova BiH).

Škola je zatvorena svečanom ceremonijom dodjele certifikata za 14 polaznika od strane sekretara Ministarstva vanjskih poslova gosp. Bakira Sadovića, 19. augusta 2021. godine.

FOTO: Muzej "Alija Izetbegović"



Izložba fotografija "Alija Izetbegović – između Istoka i Zapada" u Zenici

U organizaciji JU Muzeja „Alija Izetbegović“, 28. septembra 2021. godine, prikazana je izložba fotografija „Alija Izetbegović – između Istoka i Zapada“, povodom Dana Bošnjaka u prostorijama Bosanskog narodnog pozorišta u Zenici. Domaćin izložbe je bila Galerija „Preporod“ Zenica, osnovana 2020. godine.



Polaganje cvijeća na šehidskom mezarju Kovači

Povodom 18. godišnjice smrti prvog predsjednika Predsjedništva Republike Bosne i Hercegovine Alije Izetbegovića, na šehidskom mezarju Kovači upriličeno je polaganje cvijeća od strane najviših predstavnika državnih, entitetskih i kantonalnih institucija, te članova porodice rahmetli predsjednika Izetbegovića. Prisutnima se obratila potpredsjednica FBiH Melika Mahmutbegović, koja je ovom prilikom ukazala na značaj univerzalnih poruka koje nam je iza sebe ostavio Alija Izetbegović.

Akademija povodom 18. godišnjice smrti prvog predsjednika Predsjedništva Republike Bosne i Hercegovine



Muzej „Alija Izetbegović“ obilježio je 18. godišnjicu smrti prvog predsjednika Predsjedništva nezavisne Republike Bosne i Hercegovine tradicionalnom Akademijom, koja je održana 19. oktobra 2021. godine u Narodnom pozorištu u Sarajevu.



Akademiji su prisustvovala brojna eminentna imena iz političkog i kulturnog života. Pored članova porodice rahmetli predsjednika, Akademiji su prisustvovali predstavnici diplomatskog kora u Bosni i Hercegovini, te predstavnici najviših državnih, entitetskih i kantonalnih funkcija.





FOTO: Muzej "Alija Izetbegović"

Izložba fotografija „Diplomatski put Alije Izetbegovića“ u galeriji Općine Novi Grad Sarajevo

Izložba fotografija „Diplomatski put Alije Izetbegovića“ otvorena je 28. oktobra 2021. godine u galeriji Općine Novi Grad Sarajevo u 12 sati. Izložba predstavlja bogat prikaz historijskih izvora u formi fotografija i dokumenata koji svjedoče intenzivnim diplomatskim aktivnostima prvog predsjednika Predsjedništva nezavisne Republike Bosne i Hercegovine.

Pod sponzorstvom BH Telecoma, ulaz je bio slobodan za sve posjetice, a izložba je bila dostupna javnosti do 9. novembra 2021. godine.



ALIJA
IZETBEGOVIĆ
M U Z E J I

www.muzejalijaizetbegovic.ba

Otvorenje izložbe "Alija Izetbegović: između Istoka i Zapada" u Muzeju Fetih 1326 u Bursi u organizaciji Muzeja "Alija Izetbegović"



FOTO: Bursa HABER

Povodom 18. godišnjice smrti prvog predsjednika nezavisne Republike Bosne i Hercegovine, pod pokroviteljstvom JU Muzeja "Alija Izetbegović" u muzeju Panorama Fetih 1326 u Bursi upriličena je izložba "Alija Izetbegović: između Istoka i Zapada", koja je bila otvorena za posjetioce od 22. 10. do 09. 11. 2021.



FOTO: Bursa HABER

Ovom prilikom, zvaničama se obratio načelnik općine Osmangazi, gosp. Mustafa Dundar, Nj. e. ambasador Bosne i Hercegovine u Turskoj, gosp. Adis Alagić, te rektor državnog Univerziteta Uludag u Bursi, prof. dr. Asim Kilavuz.



FOTO: Bursa HABER



ALIJA
IZETBEGOVIĆ
M U Z E J I

**ŽELIMO VAM SRETNU
I USPJEŠNU NOVU
2022. GODINU!**

JU Muzej "Alija Izetbegović"


MUZEJ "ALIJA IZETBEGOVIĆ" SA PONOSOM PREDSTAVLJA

IZABRANA DJELA ALIJE IZETBEGOVIĆA

"ISLAMSKA DEKLARACIJA", "ISLAM IZMEĐU ISTOKA I ZAPADA",
"SJEĆANJA", "MOJ BIJEG U SLOBODU"

KOMPLET KNJIGA JE DOSTUPAN U SUVENIRNICI MUZEJA, A
MOGUĆE GA JE NARUČITI I PUTEM MAILA
(MUZEJALIJAIZETBEGOVICI@GMAIL.COM)

ILI POZIVOM NA BROJ +387 33 574 271
CIJENA KOMPLETA IZABRANIH DIJELA IZNOSI 150 KM.



OFICIJELNI
DISTRIBUTER

